

Fin per Castrisch e discletg per Favugn

Tir da gruppas: Segunda runda svizra

DA GION NUTEGN STGIER / ANR

Da las tschintg gruppas grischunas che han sajettà la segunda runda naziunala cun l'arma da sport han naginas cuntanschi la proxima runda. Cun l'arma da militar aveva la concorrenza cuntinuà per 11 gruppas e da quellas sajettan otg proxima-main la davosa runda svizra.

Suenter il final grischun ha la concorrenza cuntinuà per las 28 gruppas qualifitgadas cun l'emprima da trais rundas naziunalas. En las rundas svizras cumbattan mintgamai tschintg gruppas per puncts e da quellas cuntanschan lura duas la proxima runda. Da las 28 gruppas da noss chantun han 16 gruppas cuntanschi la segunda runda svizra. Tut tenor cumposiziun da gruppas e lur resultats èsi pussaivel per ina gruppas da cuntanscher la proxima runda cun in nausch resultad e savens èsi er gia a fin per gruppas che sajettan in aut resultad.

964 puncts n'han betg tanschi

En il champ A, quel cun l'arma da sport, avevan tschintg gruppas da noss chantun fatg il zap en la segunda runda svizra. Suenter quella n'èn ussa naginas pli da la partida en la terza e davosa runda svizra. Ina surpraisa è segir che la gruppas da Favugn n'è betg sa qualifitgada per la proxima runda, sche er cun blera disfortuna. Ils tschintg tiradurs han sajettà cun 964 puncts in bun resultad, han dentant gi il discletg dad avair en lur cumposiziun da la gruppas cun Ried-Brig-Glis VS che ha fatg 978 puncts e Langnau BE che ha tratg 972 puncts ina ferma concorrenza. A fin è il tir per las gruppas grischunas dallas societads da: Laax-Falera cun

949 puncts, Alvra e Haldenstein II cun 938 puncts e Tavau cun 935 puncts. Excellent è lura il resultad singul da *Rumetg Cathomas* da Laax-Falera cun 196 puncts.

Resultad sensaziunal per Tumegl

En il champ D, quel cun l'arma da militar, han 11 gruppas grischunas cumbatti per puncts en la segunda runda svizra. Per trais gruppas è la concorren-

za gia a fin suenter la davosa fin d'emna. Quai èn: Castrisch cun 678 puncts e Monstein cun 656 puncts. Discletg han lura gi ils tschintg tiradurs da Crusch (Grüsch) cun avair da crudar or cun in resultad aut da 691 puncts cun esser stads partids tiers en ina fitg ferma gruppas. Sensaziunal lura il resultad da la gruppas da Tumegl, il campiun grischun, cun 705 puncts e cun quel resultad il segund meglier en Svizra. Be ils tschintg tiradurs da Sattel SZ han cun

710 puncts anc tratg pli precis. Il zap en la terza runda naziunala han er fatg quellas uniuns da tir e quai cun resultats excellents: Versomi cun 699 puncts, Bregaglia cun 698 puncts, Sent cun 696 puncts, Rodels cun 695 puncts, Tavau cun 692 puncts e Scharans e Laax-Falera cun 680 puncts. *Carl Frischknecht*, Tumegl, ed *Andreas Stiffler*, Tavau, han fatg cun 145 puncts (maximum 150 puncts) il meglier resultad singul en noss chantun.



Per otg gruppas grischunas cuntinua la concorrenza naziunala da tir.